



## TOSHKENT DAVLAT YURIDIK UNIVERSITETI REKTORINING B U Y R U G ' I

---

2021-yil «9» fevral

08-27-son

### **Ўзбекистон Республикаси олий ва ўрта махсус таълим вазирининг 2021 йил 22 январдаги 40-сон буйруғи ижроси ҳақида**

Ўзбекистон Республикаси Президентининг 2020 йил 3 декабрдаги ПҚ-4910-сон “Иқтидорли ёшларни саралаб олиш тизими ва академик лицейлар фаолиятини такомиллаштириш чора-тадбирлари тўғрисида” қарори ва Ўзбекистон Республикаси Президенти Администрациясининг 2021 йил 4 январда ўтказилган йиғилиши баёнида белгиланган вазифалар ижросини таъминлаш мақсадида

### **Б У Ю Р А М А Н :**

1. Ўзбекистон Республикаси Президенти Администрациясининг 2021 йил 4 январда ўтказилган йиғилиши баёни (кейинги ўринларда – баён) раҳбарлик ва ижро учун қабул қилинсин.

2. Тошкент давлат юридик университетининг (кейинги ўринларда – ТДЮУ) ўқув ишлари бўйича проректори – ТДЮУ қошидаги академик лицей директори И. Рустамбеков:

а) ТДЮУ қошидаги академик лицейда (кейинги ўринларда – академик лицей) билим олишга, китоб ўқишга, спорт билан шуғулланишга, касб эгаллашга чорловчи қулай шароит, ўқувчилар ўртасида рақобат муҳити яратилиши учун лозим бўлган барча чора-тадбирлар белгиланиши, рағбат механизмининг тўғри йўлга қўйилишига алоҳида эътибор қаратсин;

б) академик лицейда яратилаётган шароитлар ва янги имкониятлар ҳақида **жорий йил февраль ойида ҳамда доимий равишда** ўқувчилар ва уларнинг ота-оналари билан суҳбатлар ташкил этсин;

в) академик лицей ва ТДЮУнинг бюджетдан ташқари маблағлари ҳисобидан эҳтиёж сезилган мутахассисларни спорт ва мусиқа тўғраклари раҳбарлари, АКТ мутахассисларини академик лицейга ўрнатилган тартибда ишга жалб этиш юзасидан тегишли чораларни кўрсин;

г) академик лицейда вебинар хоналар ташкил этсин ҳамда улар орқали маҳаллий ва хорижий таълим муассасаларининг юқори малакали педагоглари иштирокида онлайн тарзда дарс машғулотлари ўтказиш ва олимпиадаларга тайёргарлик ишларини ташкил қилсин;

д) академик лицейда онлайн таълим платформасини шакллантирсин, шунингдек ТДЮУ онлайн таълим платформасига босқичма-босқич улаш чораларини кўрсин;

е) **жорий йилнинг май ойига қадар** қонунчиликда ўрнатилган талаблар доирасида академик лицейнинг веб-сайтини яратилишини таъминласин;

ж) ўқув жараёнида **Coursera, Khan Academy** каби очиқ онлайн курсларнинг (Massive Open Online Courses) маҳаллий шароитга мос келадиган ўқув-илмий материалларидан фойдаланишни ташкил этиш ишларини амалга оширсин;

з) баёнда белгиланган вазифа ва топшириқларнинг ижросини таъминлаш мақсадида Маънавият ва маърифат маркази (Ш. Пўлотов), Узлуксиз таълим бошқармаси (Д. Абдукадиров) билан биргаликда:

академик лицей Кенгашида барча фанлардан энг юқори ўзлаштириш кўрсаткичларига эга бўлган ўқувчиларни адолат тамойиллари асосида аниқлаб, уларга “Академик лицейимиз ифтихори” стипендияларининг топширилишини доимий назоратга олинишини;

**икки ой муддатда** академик лицейда педагог ва ўқувчилари томонидан, шу жумладан, ТДЮУнинг профессор-ўқитувчилари билан ҳамкорликда яратилган дастурий маҳсулотлар, илмий-техник ишланмалар, адабиётлар ва бошқа турдаги ютуқлар акс этган кўргазмали бурчаклар ташкил этилишини;

академик лицейда соғлом рақобат муҳитини шакллантириш мақсадида 2021 йилдан бошлаб академик лицейнинг бюджетдан ташқари, шунингдек ТДЮУнинг бюджетдан ташқари маблағлари ҳисобидан академик лицей кенгаши ҳулосаси асосида алоҳида ютуқларга эришган педагог ва ходимларини моддий-маънавий рағбатлантириб борилишини, бунда тегишли сўровлар ўтказиш орқали ўқувчилар фикри инобатга олинишини таъминласин.

3. Молия-иқтисод бўлими (А. Рахимов) ва бухгалтерия (М. Парпиев) баёнда белгиланган вазифаларни амалга оширишда ТДЮУнинг бюджетдан ташқари маблағлари тўғри ва мақсадли сарфланишига эътибор қаратсин.

4. Мазкур буйруқ ижросини назорат қилиш проректор – ТДЮУ қошидаги академик лицей директори И. Рустамбеков зиммасига юклансин.

Ректор



Р. Хакимов

**Киритилди:**

Узлуксиз таълим бошқармаси  
бошлиғи

Д. Абдукадиров

**Келишилди:**

Халқаро ҳамкорлик ва узлуксиз таълим  
бўйича проректор

Д. Умаров

Ёшлар билан ишлаш  
бўйича проректор

А. Хашимхонов

Ўқув ишлари бўйича проректор – ТДЮУ  
қошидаги академик лицей директори

И. Рустамбеков

Молия-иқтисод ишлари  
бўйича проректор в.б.

А. Иминов

Юридик бюро  
катта юрисконсульти

Э. Хосилов